

“Olmaliq KMK” AJning 2022-yil yanvar-sentabr yakunlari bo‘yicha tahliliy MA’LUMOTNOMASI

“Olmaliq KMK” AJ boshqaruv raisi – Xursanov Abdulla Xalmuradovich.

Ijtimoiy-iqtisodiy rivojlantirish dasturining eng muhim ustuvor yo‘nalishlarini bajarish davomida “Olmaliq KMK” AJ jamoasi 2022-yil yanvar-sentabr yakunlari bo‘yicha quyidagi tovar mahsulotlar ishlab chiqarish ko‘rsatkichlariga erishdi:

- amaldagi narxlarda –112,2 %.

2021-yilning mos davriga solishtirma narxlarda tovar mahsuloti o‘shish sur‘ati 96,6 %ni tashkil etdi. O‘shish suratining pasayishiga Qizilqum fosforit kompleksining “Olmaliq KMK” AJ tasarrufidan chiqarilishi, shuningdek yanvar oyidagi “Blekaut” sabab bo‘ldi.

Mis katodini ishlab chiqarish 100,0 %, shu jumladan 98,6 % o‘z xom ashyosidan, metalli rux 102,0 %, shu jumladan 106,2 % o‘z xom ashyosidan, 105,8 % sulfat kislotasi, 100,4 % affinajli oltin va 98,4 % affinajli kumush, 50,7 % portlandsementni tashkil etdi.

2022-yil yanvar-sentabr yakuni bo‘yicha 125,4 % mahsulotlar eksportga sotildi.

O‘zbekiston Respublikasi Prezidentining 2021-yil 30-dekabrda PQ-72 sonli “O‘zbekiston Respublikasining 2022-2026 yillarga mo‘ljallangan Investitsiya dasturini amalga oshirish chora-tadbirlari to‘g‘risida”gi qaroriga muvofiq 2022-yilga “Olmaliq KMK” AJ ishlab chiqarish quvvatini oshirish va xom ashyoni qayta ishlash uchun 766,0 mln. dollarlik investitsiya o‘zlashtirilishi mo‘ljallangan.

2022-yil yanvar-sentabr yakunlari bo‘yicha 257,4 mln. dollar (101,9 %) miqdorida investitsiyalar o‘zlashtirildi, shu jumladan:

korxonaning o‘z mablag‘lari hisobidan – 201,9 mln. doll.

to‘g‘ridan to‘g‘ri xorijiy kreditlar – 55,4 mln. doll.

O‘zbekiston Respublikasi Prezidentining 2022-yil 24-yanvardagi 99-sonli “Respublikada ishlab chiqarishni rivojlantirish va sanoat kooperatsiyasini kengaytirishning samarali tizimini yaratish chora tadbirlari to‘g‘risida” gi qaroriga muvofiq va “Olmaliq KMK” AJ boshqaruv raisining 2022-yil 31-yanvardagi 94-sonli buyrug‘iga asosan “Olmaliq KMK” AJ 2022-yilda mahalliyashtirish dasturi bo‘yicha 236,9 mlrd. so‘mlik 108 ta loyihani amalga oshirishi ko‘zda tutilgan.

2022-yil yanvar-sentabr yakunlari bo‘yicha 104 ta loyiha asosida mahalliyashtirilgan mahsulotlar ko‘rsatkichi 222,7 mlrd. so‘mni yoki prognozga nisbatan 130,0 foizni tashkil etdi.

2022-yilga mo‘ljallangan ishlab chiqarish xarajatlarini qisqartirish bo‘yicha tashkiliy-texnik chora-tadbirlar kompleksi ishlab chiqilgan bo‘lib, unda ishlab

chiqarish xarajatlarini 328,0 mlrd. soʻmga yoki 3,0 foizga qisqartirish koʻzda tutilgan.

2022-yil yanvar-sentabr yakunlari boʻyicha ishlab chiqarish xarajatlarini kamaytirish chora-tadbirlari kompleksini amalga oshirishdan kutilayotgan natija 480,7 mlrd. soʻmni yoki 5,9 foizni, shu jumladan ishlab chiqarish tannarxi 334,5 mlrd. soʻm yoki 4,1 foizni tashkil etishi kutilmoqda.

Kombinatda boshqaruvni takomillashtirish, moliyaviy-iqtisodiy ahvolni mustahkamlash, debitorlik va kreditorlik toʻlovlarini kamayishini taʼminlash tadbirlari amalga oshirilib kelinadi.

2022-yil 1-oktabr holatiga kombinatning kutilayotgan debitorlik qarzlari 6588,7 mlrd. soʻmni, shu jumladan muddati oʻtgan qarzlari 95,2 mlrd. soʻmni, kreditorlik qarzlari 2065,9 mlrd. soʻmni tashkil etishi kutilmoqda.

Byudjetga yoki ish haqiga nisbatan qarzidorlik mavjud emas.

Ishchi-hodimlarni texnik tayyorlash dasturiga muvofiq kadrlarning malakasini oshirish uchun 4787 nafar, shu jumladan, ishlab chiqarishdan tashqari holda 1069 nafar, qayta tayyorlash va ikkinchi mutaxassislikni oʻzlashtirish boʻyicha 1659 nafar, rahbar va mutaxassislarning malakasini oshirish va qayta tayyorlash boʻyicha 1509 nafar, shu jumladan, ishlab chiqarishdan tashqari 584 nafar kishi oʻqitildi.

“Olmaliq KMK” AJ Oʻzbekiston Respublikasidagi 10 ta oliy oʻquv yurti va Rossiya Federatsiyasining MTU “MISiS” universiteti va filiallari bilan oliy maʼlumotli mutaxassislar tayyorlash boʻyicha hamkorlikni olib boradi.

Hozirgi kunda umumiy talabalar soni 272 tani tashkil etmoqda, bundan 39 ta talaba OTMlarning kunduzgi va 233 ta talaba sirtqi va kechki boʻlimlarida taʼlim olmoqda.

Hisobot davrida jami 963 nafar, jumladan kollej bitiruvchilari 492 nafari, oliy taʼlim bitiruvchilari 290 nafar va maʼlumotsiz 181 nafar kishi ish bilan taʼminlandi.

Yuqori turuvchi tashkilotlarining topshiriqlarini oʻz vaqtida bajarish, ijro intizomini nazorat qilish tizimini takomillashtirish maqsadida “Olmaliq KMK” AJ Ijro apparatida yuqori tashkilot topshiriqlarini bajarilishini nazorat qilish xizmati tashkil etilgan va ijro intizomi holatini tizimli va tanqidiy tahlil qilish tartibi belgilandi.

Yil davomida Oʻzbekiston Respublikasi Qonunlari, Oʻzbekiston Respublikasi Prezidenti hujjatlari va hukumat qarorlarining joylardagi ijrosini oʻrganish ishlari amalga oshirish mobaynida hisobot tizimini joriy etish va belgilangan muddatlarda hujjatlar ijrosi ustidan nazoratni tashkil etish ishlari olib borilmoqda. Kombinatning ish rejasiga asosan analitik hisobotlar tayyorlanib bayonnomalar tuzib borilmoqda.

Qarorlari ijrosini tanqidiy tahlil qilish, kamchiliklarni aniqlash va ularni bartaraf etish bo'yicha aniq chora-tadbirlar ishlab chiqish bo'yicha tizimli ishlar amalga oshirilmoqda.

2022-yil yanvar-sentabr yakuni bo'yicha jami 749 ta hujjat kirim qilingan, shu jumladan:

O'zbekiston Respublikasi Prezidentining hujjatlari va topshiriqlari 97 ta – (7 ta Farmon, 18 ta qaror, 1 ta farmoyish, 17 ta bayon, 54 ta topshiriq);

O'zbekiston Respublikasi Vazirlar Mahkamasining hujjatlari va topshiriqlari 649 ta (31 ta qaror, 12 farmoyish, 70 ta bayon, Bosh vazir, uning o'rinbosarlari va maslahatchilari topshiriqlari – 260 ta, kotibiyat topshiriqlari – 233 ta).

Fuqarolar bilan ochiq muloqot olib borish, tushgan murojaatlarni sinchiklab ko'rib chiqib, aniq qaror qabul qilish maqsadida "Olmaliq KMK" AJ ijro apparatida yuridik va jismoniy shaxslarning murojaatlarni nazorat qilish va ishlash xizmati joriy qilingan. Bo'limda har kunlik doimiy qabul tashkil etilgan.

2022-yilning yanvar-sentabr oyi davomida "Olmaliq KMK" AJga jismoniy va yuridik shaxslardan 2086 ta murojaat kelib tushgan. Shundan

1778 ta ariza o'z muddatida ko'rib chiqilgan, 308 tasi ko'rilish jarayonida.

Kelib tushgan arizalar mazmuni – moddiy yordam, ishga joylashish va tiklanish, davolanish, mehnat munozaralari, oylik maosh, xizmat uy-joylari bilan ta'minlanish, texnik xizmatlar, yer kadastri, transport muammolari va hakoza murojaatlardan iborat.